

天下郡國利病書

二五

天下郡國利病書

卷一

陝西上

備錄

雍譚

范守已

漢書云、文王作豐、顏師古註曰、今長安西北界靈臺、鄉豐、塹上是、而杜元凱註左氏、則曰豐在始平鄠縣東、是在長安西南矣、未知孰是、今按大雅云、既伐于崇、作邑于豐、又曰、豐水東注、維禹之績、又案豐水出終南山、東流過鄠縣、與銅水合、北流入渭、鄠古崇國也、則豐在鄠縣可知、若在長安西北、則豐水止北流、不可云東注矣、

漢書云、武王治鎬、師古曰、今昆明池北陂、陂是、說文曰、鎬在上林苑中、鎬與鄠同、皇甫謐帝王世紀曰、武王自鄠居鎬、諸侯宗之、是為宗周、今澧水之東、長安之南三十里、去鄠二十五里、鎬池即其故都、酈道元水經註曰、自漢武穿昆明池、鎬京基構淪陷、今無可

究是鎬在豐東無疑。小雅云：玁狁匪茹，整居焦穫，侵鎬及方。至于涇陽，正指鎬京而言。蓋鎬與涇陽相距不遠，焦穫亦在涇陽境內。涇陽在漢爲池陽地，漢書池陽下註云：爾雅十藪，周有焦穫。郭璞曰：將瓠中是也。則焦穫在涇陽可知。方則或非相方耳。劉向以鎬爲千里之鎬，不知所據。

顏師古曰：灞澹涇渭，灤鎬潯潯，是爲八川。案相如上林賦曰：蕩蕩乎八川，灤澹潯潯，涇渭驅澹，有驅水而無灤水，豈驅卽灤之本名耶？又案漢書：沂水出藍田谷，北至霸陵，入霸水。霸水亦出藍田谷，北入渭。顏師古曰：滋水，秦穆公更名，以章霸功。視子孫霸水之，不爲驅水可知矣。

故長安城在今西安府西北，北臨渭水，三輔舊事曰：城南爲南斗。

形北爲北斗形。今觀城形信然。及閱漢志及班張二賦皆不言及後見長安故圖其城南面三曲正南曰安門亦曰鼎路門獨凸出向前左曰覆盎門右曰西安門各縮後數丈北面亦三曲東北獨凸出數丈其西以漸而縮東北第一曲無門次西一曲有二門東曰廚城門西曰洛門又次西一曲無門又次西一曲有一門曰橫門東面無曲其直如引繩有三門中曰清明門北曰宣平門南曰霸城門西面二曲西南獨凸出亦有三門中曰宣城門在曲中西北向南曰章城門西向北曰雍門亦西北向蓋其城沿渭水而築故其曲折皆隨水潏初非有意爲斗形也唐人謂爲北斗城偶以形似言之耳

船司空漢縣名顏師古曰本主船之官遂以爲縣在今華陰東北

渭水入河處其南為堯林塞即今之潼關也

郃陽漢縣名應劭曰在郃水之陽也師古曰即大雅大明詩所謂

在郃之陽景大明詩云在洽之陽在渭之將漢今郃陽去渭頗遠尚

隔朝邑

杜陽漢縣名有杜水南入渭顏師古曰大雅綿之詩曰人之初生

自土漆沮齊詩作自杜言公劉避狄而來居杜與漆沮之地也景

杜陽今為麟遊縣漆在今郃州三水縣沮即洛水為洛川相去頗

遠謂土為杜陽可乎朱傳為是

郃州舊有三原古枸邑漢書云有幽鄉公劉所都顏師古曰枸讀

與荀同景汲郡古文晉武公滅荀以賜其大夫原氏黯是為荀叔

臣瓚曰荀當在晉之境內不當在扶風今河東有荀城古荀國則

不爲枸邑明甚。又案左氏云：「畢原，鄭郕文之昭也。」又云：「郕侯、賈伯伐晉。」詩又云：「四國有王，郕伯勞之。」是郕爲周之同姓，與荀爲二國。然則所謂枸邑者，得非郕伯之放地耶？而字形不同，恐亦未然。

漢書云：「池陽縣有嶽，嶽山在北。」師古曰：「嶽，嶽山，即今所呼嶽山。」長安故圖云：「池陽，今三原縣。」案今嶽山在涇陽縣北，則池陽爲涇陽明甚。故圖謂爲三原，而以涇陽爲古沈陽、雲陽地，恐未然也。後漢書云：「雲陽有荆山，禹鑄鼎處。」今其下有荆渠，不聞涇陽有荆山也。

地道記云：「池陽有嶽，嶽山有鬼谷。」案史記：「鬼谷在潁川。」陽城不在池陽。

胡松與知舊書云：「涇州以涇水得名。」田中山在其城北一里許，其

下爲涇河、漢文帝時匈奴入蕭關、燒回中宮、卽此地、予嘗至涇州、其守亦告曰、此回中也、西門外有山突起、如萬斛困、其上有王母祠、俱言漢武帝幸回中、卽此、予亦信之、案後漢書、右扶風汧縣有回城、名回中、註云、來歙開道處、則回中之不爲涇州明甚、

漢有涇陽縣、屬安定郡、非今之涇陽也、當在平涼府西北、漢書云、涇陽縣西有開頭山、禹貢涇水所出、顏師古曰、開音牽、此山在今靈州東南、土俗語訛、謂之汧屯山、而郭璞注山海經、乃曰涇水出朝那縣西丹頭山、案朝那、今固原州、不聞有丹頭、師古之言、似爲有據、

後漢書云、朝那有湫淵、方四十里、停不流、冬夏不增減、不生草木、案胡松與知舊書云、朝那湫有二、俱在今固原境內、一在州東二

十里、一在州西三十里、水各方數十里、深不可測、傳有蛟龍藏其中、世邈忘其本名、土人呼爲東西海子、而西海子水流百數十里、經隆德靜寧界、卽好水川也、宋與夏人戰場在焉、然則漢書所謂停而不流者、豈獨指東湫言邪、抑漢時未有西湫邪、湫卽秦文王沮楚處、

平涼西有瓦亭驛、在華亭固原界上、亂山紛錯、至不可列騎、其道西北通固原、以走寧夏、西南過六盤山、走甘肅、亦要地也、案後漢書、烏枝縣有瓦亭、牛邯軍處、前漢書作烏氏、則瓦亭之名、其來久矣、

漢書北地郡有歸德縣、縣有洛水、出北蠻夷中入河、是不獨河南鄜州、各有洛水而已、

長安圖志載唐太宗昭陵在醴泉縣北五十里九峻山上其規模皆太宗所自經營貞觀二十八年八月畢工先葬文德皇后長孫氏為刻蕃酋之形琢六駿之像以旌武功列于北闕其諸蕃酋長貞觀中擒伏歸和者琢石肖形狀而刻其姓名凡十四人六駿一曰青驪平竇建德時所乘二曰什伐赤平王世充時所乘三曰特勒驃平宋金剛時所乘四曰颶露紫平東都時所乘五曰拳毛騶平劉黑闥時所乘六曰白蹄烏平薛仁果時所乘各有贊語四言四句此則翁仲石馬所自始也至武后之葬乾陵則石刻酋長六十一人高七尺石人二十高一丈五尺石馬十六高九尺飛龍馬二高一丈五尺石獅四其二高一丈五尺其二高丈有二尺朱雀二高六尺不止如昭陵而已至今猶雜臥草樹間

臨潼志謂臨潼在秦爲櫟陽漢高葬上皇其地改爲萬年縣紫水
經注濁谷水出原注鄭渠又東經太上陵南北屈與沮水合至白
渠與澤泉合俗謂之紫水又謂之紫沮水絕白渠東遷萬年縣故
城北爲櫟陽渠城卽櫟陽宮也漢高帝葬皇考于是縣起墳陵署
邑號改曰萬年也地理志曰馮翊萬年縣高帝置關駟曰縣西有
涇渭北有小河由是觀之萬年在渭水之北涇水之東高陵阜平
之間不在驪山趾下明甚

公劉居邠在今邠州三水縣梁山在其南今在永壽縣西南去邠
不百里而遙西南距岐山三百餘里孟子所謂去邠踰梁山邑于
岐山之下言正符合或謂爲韓城之梁山非是邠州志載履跡坪
隘蒼諸跡謬妄亦甚蓋后稷生邠今武功不在邠州也其所謂皇澗凌

陰室、猶爲近似。

涇州西門外有回山，上有王母祠。志謂爲漢回中道。案文帝時，匈奴入蕭關，燒回中宮。武帝屢幸回中，似不在此。涇水經涇州城外，嚙城東南下，汭水注之。汭水出隴州北弦蒲藪，東北流入涇。詩所謂汭鞠之卽者卽此。

皋蘭山在蘭州南城外，有五泉。唐之盛，第童無草木，望之一土石陵阜爾，其高數百仞，橫亘數十里，山下沃野可耕，一望平曠。東至閼王溝，約四十里，居民賴之。

鄠縣故崇侯國，文王取之作豐邑，在長安南七十里。有漢陂在紫閣峯下，環抱山麓，方廣可數里，中有芙蓉鳬雁之勝。杜子美有半陂以南純浸山之句，指此。

說經臺在盩厔縣東二十里終南山坳上松阡石逕迤邐以上最上有洞可容數十百人蓋老子與關尹喜傳經處

秦漢時有函關而無潼關潼關之名不知所自始唯水經云河水南至華陰潼關渭水從西來注之注云河在關內南流潼激關山因謂之潼關有灌水注之灌水出松果之上北流逕通谷世亦謂之通谷水東北注于河述征記所謂潼谷水者也或說因水以名地也河水自潼關東北流水側有黃坂謂之黃卷坂傍絕澗涉此坂以升潼關所謂汧黃卷以濟潼關矣據此則潼關漢魏已有第非以潼水得名耳今城中有水北流俗呼為潼水則古之所謂灌水矣

潼關河北有風陵世以為女媧陵水經注云關之正北隔河有層

卓巍然。世謂之風陵。戴延之所謂風陵也。不聞稱女媧陵。

元學士潘昂霄窮河源記

河源在吐蕃朵耳思西鄙有泉百餘泓或潦水沮洳散渙方可七八十里且泥弱不勝人迹近觀弗克傍立高山下視燦若列星以故名火墩腦兒譯言星宿海也群流奔湍近五七里匯二巨澤名阿剌腦兒自西徂東連屬吞噬廣輪馬行一日程迤邐東驚成川號赤賓河二三日程水西南來名以里朮合赤賓三四日程南來名蔥蘭又水東南來名里也朮合流入赤賓其流浸大始名黃河然水清人可涉又一二日岐裂八九股名也孫幹論譯言九渡通廣六七里馬亦可渡又四五日程水渾濁土人抱革囊乘馬過之民聚部落糾集木幹象舟傳毛革以濟僅

容西人。繼是西岐東廣可一二里或半里深莫測矣。朵耳思東北鄙有大雪山名亦耳麻不莫刺其山最高譯言騰乞里塔即崑崙也山腹至頂皆雲冬夏不消土人言遠年成冰六月見之自八九股水至崑崙行二十六日程河行崑崙南半日程既又四五日程至地名闊即及闊提二地相屬又三日地名哈刺別里赤兒四達之衝也多寇盜有官兵鎮防崑崙迤西人簡少多處山南山皆不穹峻水亦散漫獸有犛牛野馬狼豹獐羊之類其東山益高地亦漸下岸狹隘有狐可一躍之者行五六日程有水西南來名納隣哈刺譯言細黃河也又兩日程水南來名乞兒馬出二水合流入河河北行轉西至崑崙北二日程地水